



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბოლოქანქარა

ბოლოქანქარა, წყალწყალა, მასიქელა, მზენვია, ბზენვია და სხვ. (*Motacilla*), ფრინველთა გვარი ბელურასნაირთა რიგისა.

სხეულის სიგრძეა 16,5 – 18 სმ, აქვთ გრძელი მოძრავი ბოლო (აქედან ერთ-ერთი ქართ. სახელწ.), თეთრი ან ყვითელი, რუხთან და შავთან შეხამებული შეფერილობა. გვარი მოიცავს 11 სახეობას, რ-ებიც გავრცელებულია ევრაზიასა და აფრიკაში. წყლის მოყვარული ფრინველებია (აქედან მეორე ქართ. სახელწ.). გვხვდებიან ნოტიო მდელოებზე, ჭაობებთან, მდ-ების, ტბების, ნაკადულების პირას როგორც დაბლობზე, ისე მთაში. ხშირად არიან ადამიანის სამოსახლოზე.

ბუდობენ აპრილ-მაისში მიწაზე, კლდის ნაპრალებში, ქვებქვეშ, შენობებზე, ხის ფულუროებში; დებენ 4 – 6 კვერცხს, ინკუბაცია გრძელდება 2 კვირამდე, იკვებებიან მწერებითა და წვრილი უხერხემლოებით. საქართველოში ბუდობს ბ-ს 3 სახეობა: თეთრი ბ. (*M. alba*), მთის ბ. (*M. cinerea*) და შედარებით მოკლებოლიანი ყვითელი ბ. (*M. cinerea*).

საინტერესოა ბოლოს აქნევ-დაქნევასთან დაკავშირებული სახელი „მასიქელა“ („მასი“ ს.-ს. ორბელიანის მიხედვით – წამის მესამოცედია).

რ. ჟორდანი
